



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

XCIII. S. Zacharias Anno Christi 741. Constantini Copronymi 1.

[urn:nbn:de:hbz:466:1-65464](https://nbn-resolving.org/urn:nbn:de:hbz:466:1-65464)

ut addit Baronius ad an. 740. §. 15. scriben²
ad Henricum VIII. tunc Regem anno
Redemptoris 1533. cum Londini esset.

XCIII.

S. ZACHARIAS

ANNO CHRISTI 741.

CONSTANTINI COPRONYMI I.

ZACHARIAS Polychronii filius, Bar. an. 741. § 13
Græcus, pridie Kal. Decembr. Pag. §. 9.
anno 741. in locum Gregorii III. Bar. an. 742. § 20
Pontifex inauguratus est. (1) Hic de
Longobardis, qui Italiam omnem
infestam habebant, auctoritate ma-
gis triumphavit, quam armis. Nam-
que Luitprandum eorum Regem,
bellum contra Romanum Ducatum
enixè parantem, per Legatos avertit Bar. an. 742. § 20
ab incepto, eundemque ab se Inte- 31.
ramnæ conventum perpulit, ut me-
morata superiùs oppida Ameriam,
Hortam, Polimartium, Bleram resti-
tueret Romanæ Ecclesiæ. Adjicit Pag. 184.
Anastasius, Regem ultro reddidisse
etiam Patrimonium Sabinense, tri-
ginta ferme ante annis ereptum, in-
super Narniense, Auximanum, An-
Bba con-

conitanum, Numatense, & vallem
 agri Sutrini, cui *Magna* nomen, &
 pace cum Romano Ducatu confir-
 matâ in annos viginti, captivos om-
 nes redonâsse Pontifici. Quare cum
 Luitprandus anno insequente fines
 Exarchatûs ita infestè ingressus esset,
 ut videretur obsessurus Ravennam,
 Eutychius Exarchus, Joannes Ar-
 chiepiscopus, & populus Ravennas,
 atque Pentapolis, (2) & Æmiliæ Ci-
 vitates Zachariam rogârunt, ut affli-
 ctis rebus suppetias ferret. Ea de
 causa Legatos cum muneribus ad Re-
 gem misit, petens. ut Cæsenam Ra-
 vennatibus redderet. Legatione ir-
 ritâ, ipse Ravennam contendit, Urbis
 curâ Stephano Patricio ac Duci de-
 mandatâ: inde Ticinum, ubi ei à
 Luitprando datum est, quod petebat.
 Illustriorem de Rachisio, qui Luit-
 prando successerat, victoriam repor-
 tavit. Veniens enim ad hunc, qui
 nullâ habitâ ratione pacis vicennalis,
 prædabundus invaserat in Pentapo-
 lim, Perusiâque in obsidione tene-
 bat, non modò tenuit, ut Perusiæ op-
 pugnacione desisteret, & occupata
 Pentapolis oppida restitueret, sed
 etiam

Bar. an.

743. § 12

13. 14.

An. 750.

§. 1. 2.

etiam tantum ipsi fastidium rerum terrenarum indidit hortationibus facris, ut Regno se abdicaret, & monasticum S. Benedicti institutum cum uxore Thesia & filia Rattruda profiteretur, ille in Casinensi monasterio, hæc in Virginum Cænobio, quod non longè ab Casino ædificaverant sumptibus suis. Idem Pontifex indulxit, ut Casinense Monasterium ab omnium Episcoporum ditione esset liberum, ita ut nullius juri subjaceret, nisi solius Romani Pontificis. (3) Idem respondens ad interrogationem S. Bonifacii, ratum esse jussit Baptisma collatum verbis his: *Baptizò te in nomine Patria, & Filia, & Spiritua Sancta.* (4) Ad hæc Regem Francorum, (Chil-
 dericum III. Merovingorum stirpem A. 751. ultimam) quòd tanta potestati non erat §. 1. nilis, à Regno deposuit, & Pippinum Caroli Magni Imperatoris Patrem in ejus locum substituit, omnesque Francigenas juramento fidelitatis, quod illi fecerant, absoluit. (5) Idem libros Dialogorum S. Gregorii Magni è Latino in Græcum convertit. (6) Post an-
 num decimum, mensem tertium, & diem decimum quartum, quàm Pontificatum §. 12.

Bar. an.
744. §. 2.

A. 751.
§. 1.

Bar. an.
752. §. 2.

Pagius
§. 12.

Bb 3

tum §. 12.

tum acceperat, anno 752. pridie Idus Martii mortuus est, & ipsis Idibus sepultus, quo die ejus nomen Martyrologio Romano inscribitur.

ANNOTATIONES.

(1) Brevissimum hoc interregnum ostendit, nec petitam, nec expectatam ab Exarcho Ravennate confirmationem Pontificiae electionis, & Romanam Ecclesiam demum vindicatam in libertatem. Cujus rei indicio sunt electiones quoque eorum, qui Pontifices fuerunt post Zachariam.

(2) Pentapolis Italicae Urbes sunt Ariminum, Pisaurum, Fanum, Auximum, & Ancona.

(3) Leo Ostiensis lib. 1. Chron. Casin. extremo cap. 4. Et lib. 2. cap. 96. Victor II. *usum illi Federico Abbati Casinensi scandaliorum, caterorumque insignium, juxta quod Sanctus Papa Leo dudum concesserat Abbati Richerio, eadem auctoritate concessit.*

(4) Epistola 6. apud Labbeum tom. 6. Conc. pag. 1505. ex qua decretam recitat Gratianus *de consecrat.* dist. 4. cap. *reulerunt nuntii* 86. Zachariae sententiam secutus est Stephanus II, qui responso 14. apud eundem Labbeum pag. 1652. ratum habuit Baptisma ab imperito Sacerdote administratum his verbis. *In nomine Patris mergo, & Filii mergo, & Spiritus Sancti mergo.* (5)

(5) S. Gregorius VII. lib. 8. epist. 21. apud Labbeum tom. 10. Concil. pag. 270.

Annales Francorum Fuldenles ad an. 752. inter Scriptores Rerum Germanicarum Freheri tom. 1. pag. 7. *Zacharias Papa ex auctoritate S. Petri Apostoli mandat populo Francorum, ut Pippinus, qui potestate Regiâ utebatur, regni totius & nominis quoque dignitate frueretur. Ita Hylricus Rex, qui ultimus Merovingorum Francis imperavit, depositus & in monasterium missus est. Pippinus vero in Civitate Sueffionum à S. Bonifacio Archi-Episcopo in Regem unctus, Regni honore sublimatus est.* Eodem modo est in vetusti scriptoris libello De Majoribus Domus Regiæ, eodem in Annalibus Francorum Tilianis, Loiselianis, Eginhardi, & Bertinianis ad an. 749. apud Duchesnium tom. 2. pag. 2. 12. 25. 234. & tom. 3. pag. 151.

Bellarminus lib. 2. De Rom. Pont. cap. 17. *Quod Zacharias justè ac legitime deposuerit Childericum Regem, & creari jussit, Pippinum, affirmant omnes quotquot hanc historiam scribunt, tam Græci, quam Latini, exceptis Magdeburgensibus, & Calvino.* Tum Græcos, tum Latinos scriptores recenset Sfondratus in Gallia Vindicata dissertat. 2. §. 2. num. 3. Cointius vero ad an. 752. §. 5. & Natalis Alexander in Hist. Eccl. Sæc. 8. dissertat. 2. ait,

Bb 4

nec

nec Zacharia, nec Stephani III. Romanorum Pontificum auctoritate Regnum Francorum à Childerico III. ad Pippinum translatum. Non dissentiunt ab Alexandro Dupin de antiqua Ecclesie disciplina dissertat. 7. cap. 3. §. 3. & Launojus lib. 7. epist. 9, *sed horum confidentiam,* ut scribit Fontaninus in Vindiciis diplomatum lib. 2 cap. 9. §. 7. *penitus jugulat Codex MS Gregorii Turonensis clausula de Pippini, cujus temporibus Codex scriptus est, in Francorum Regem consecratione, post Childericum solo detrusum* per auctoritatem & imperium sanctæ recordationis Domini Zachariæ Papæ, & unctionem Sancti chrisimatis per manus beatorum Sacerdotum Galliarum. Vide dissertationem nostram octavam, & annotat. 5. ad Leonem III.

(6) Joannes Diaconus in vita S. Gregorii lib. 4. cap. 75. Photius in Bibliotheca Cod. 252. pag. 1399. Ordericus Vitalis lib. 2. Hist. Eccl. pag. 453. inter Scriptores Normannicos Duchesnii.

XCIV.

STEPHANUS II.

ANNO CHRISTI 752.

CONSTANTINI COPRONYMI 12.

Bar. an. 752. § 9. 13. Pag. §. 15. 16. **S**acerdos summus in locum Zachariæ anno 752. VII. Kal. April. crea-